

視之不見章第十四

視之不見名曰夷聽之不聞名曰希搏之不得名曰微此三者不可致詰故混而爲一其上不皦其下不昧繩繩兮不可名復歸於無物是謂無狀之狀無象之象是謂惚恍迎之不見其首隨之不見其後執古之道以御今之有能知古始是謂道紀不聞乃真聞不見乃真見不用執柴頭不吹火自現無始便無終今古歸一串從渠千萬變只是本來面噴識本來面提正法網分明便是虛皇稽首十方皈嚮

古之善爲士章第十五

古之善爲士者微妙玄通深不可識夫惟不可識故強爲之容

道藏輯要

道德真經早句訓頌

六

心集五

豫兮若冬涉川猶兮若畏四鄰儼兮若客渙兮若冰將釋敦兮其若樸曠兮其若谷渾兮其若濁孰能濁以止靜之徐清孰能安以久動之徐生保此道者不欲盈夫惟不盈故能弊不新成惟其有諸內所以形諸外外內何容心所以無不解惟其靜以待所以動與對優哉有不有所以常常在嘒常在不在不在不壞不色不空不奇不怪

致虛極章第十六

致虛極守靜篤萬物並作吾以觀其復夫物芸芸各復歸其根歸根曰靜靜曰復命復命曰常知常曰明不知常妄作凶知常容容乃公公乃王王乃天天乃道道乃久沒身不殆

因無障礙不通風葉落林空歲歲同虛靜當年曾說破氣歸  
元海壽無窮嘆惟氣性微吾惟靜知人能常清靜天地悉皆  
歸

### 太上章第十七

太上下知有之其次親之譽之其次畏之侮之信不足有不信  
猶今其貴言功成事遂百姓皆謂我自然

風日和霜雪多人心喜懼時節過懷哉誰家老擊壤去之千  
載猶聞歌嘖惟堯舜禹氣象少異盛衰相因天地如此

### 大道廢章第十八

大道廢有仁義智慧出有大偽六親不和有孝慈國家昏亂有

### 道藏輯要

道德真經章句訓頌

七

心集五  
川口文

### 忠臣

無三皇無五帝三王不興五伯不起也無瞽叟與商辛此時  
好觀天地始嘆更於天地始妙觀未始前但得酒中趣勿爲  
醒者傳

### 絕聖棄智章第十九

絕聖棄智民利百倍絕仁棄義民復孝慈絕巧棄利盜賊無有  
此三者以爲文不足故令有所屬見素抱樸少私寡欲

渾沌本來無七竅倏忽殷勤爲渠鑿誰知愛裏毒還生毒殺  
元氣天不覺嘆二有析一小有妨大惟其有心斯爲心害氣  
則專運元則無對收視返聽惟吾所在